

STAM. Hermaphr. *Filamenta* quatuor, parva, *Capillaria*, tubo adnata supra medium. *Anthera* cylindrica, corollula paulo minor, apice quadridentata, dentibus linearibus longiusculis, basi intus ad singulum filamentum denticulis subulatis, utrinque solitariis parvis notata.

Femin. nulla omnino.

PIST. Hermaphr. *Germen* vix ullum, certe angustissimum, minimum. *Stylus* *Antheræ* altitudine, simplex. *Stigma* acutum, bifidum.

Femin. *Germen* ovatum, majusculum, antice dorsoque compressum. *Stylus* filiformis, paleis paulo brevior, *Stigma* acutum, bifidum.

PER. nullum. Congeries floscularum immutata.

SEM. *Hermaphroditis* nulla, abortiunt. *Feminis* compressa, obovata, glabra, parva. *Pappus* omnino nullus.

REC. filiforme, cylindricum, sursum attenuatum, totum paleis obiectum copiosis, imbricatis; summo apice intus nudum absque paleis, ferens flores hermaphrodito-maleculos, qui comprehenduntur calyculo ex paleis summis constituto, polyphyllo.

Paleæ sensim longiores & angustiores, apice acuto, setaceo, revoluto; medio dorso linea fusca notantur, alias membranaceæ albentes.

Color corollularum hermaphrod. virefcens.

Pertinet itaque secundum suos flores ad syngenesiam Polygamiam frustraneam & videtur proprium & singulare genus constituere. Nullo modo ad Gnaphalium I. Elichrysa T. V. accedit, nec perspicio affinitatem cum Santolina.

MICROPUS.

45. MICROPUS *erectus* feminibus compressis lanatis inermibus.

Leontopodium verius *Dioscoridis*. *Barr. ic.* 296.

Filago *supina*, capitulis rotundis tomento obfritis. *Juss. Barr. n.* 999.

Habitat Madriti, ad margines collium passim, ad Cienpozuelos ad margines agrorum & cum *Filagine* vulgari.

Radix annua, descendens, fibrosa, simplex.

Cow